

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u skladu sa članovima 43. stav (1) i stav (5) i 52. stav (1) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24, 6/25 i 12/25), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 95. sjednici, održanoj dana 22.08.2025. godine, d o n o s i

O D L U K U

o usvajanju Programa utroška sredstava budžeta Zeničko-dobojskog kantona Instituta za zdravlje i sigurnost hrane Zenica za projekte iz oblasti veterinarstva i bilja (Tekući transfer za Institut za zdravlje i sigurnost hrane Zenica za projekte iz oblasti veterinarstva i bilja - Izvor 10)

Član 1. (Predmet)

Usvaja se Program utroška sredstava Budžeta Zeničko-dobojskog kantona Instituta za zdravlje i sigurnost hrane Zenica za „Projekte iz oblasti veterinarstva i bilja“, u razdjelu 23, budžetska organizacija 01, potrošačka jedinica 0001, ekonomski kod 614100, NAD 405, pozicija „Tekući transfer za Institut za zdravlje i sigurnost hrane Zenica za projekte iz oblasti veterinarstva i bilja“ - Izvor 10, u iznosu od 150.000,00 KM (slovima: stotinupedesethiljada konvertibilnih maraka), Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24 i 12/25) i čini sastavni dio ove odluke.

Član 2. (Način realizacije sredstava)

Sredstva planirana ovim programom utroška sredstava realizovat će se isključivo u skladu sa mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

Član 3. (Realizacije Odluke)

Za realizaciju ove odluke zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

Član 4. (Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-15784/25
Datum, 22.08.2025. godine
Zenica

PREMIJER

Nezir Pivić

DOSTAVLJENO:

1x Ministarstvo za poljoprivredu,
šumarstvo i vodoprivredu,
1x Ministarstvo finansija,
1x „Službene novine Zeničko-dobojskog kantona“,
1x a/a.



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZA POLJOPRIVREDU,
ŠUMARSTVO I VODOPRIVREDU**

**PROGRAM UTROŠKA SREDSTAVA BUDŽETA
ZENIČKO - DOBOJSKOG KANTONA
INSTITUTA ZA ZDRAVLJE I SIGURNOST HRANE ZENICA
ZA PROJEKTE IZ OBLASTI VETERINARSTVA I BILJA-
(Tekući transfer za Institut za zdravlje i sigurnost hrane Zenica za projekte iz oblasti
veterinarstva i bilja – Izvor 10)**

Zenica, august 2025. godine

Podaci o programu

Program je usvojen:	na 95. sjednici Vlade Zeničko-dobojskog kantona održanoj 22.08.2025. godine.
Period realizacije Programa:	Realizacija „Programa utroška sredstava Budžeta Zeničko-dobojskog kantona Instituta za zdravlje i sigurnost hrane Zenica za projekte iz oblasti veterinarstva i bilja“, izvršiće se u 2025. godini.
Ukupna vrijednost Programa:	150.000,00 KM
Namjena Programa:	Zaštita zdravlja ljudi i životinja od zoonoza i drugih zaraznih oboljenja, unapređenje sigurnosti hrane, unapređenje laboratorija, usklađenost akreditacija i usklađenost sa evropskim normama, smanjenje infestacije endoparazitima, dobra farmska praksa u peradarstvu i kod mliječnih krava
Korisnici Programa:	„Institut za zdravlje i sigurnost hrane“ Zenica
Izvor sredstava:	Budžet Zeničko-dobojskog kantona za 2025. godinu, Ministarstvo za poljoprivredu, šumarstvo i vodoprivredu, „Tekući transfer za Institut za zdravlje i sigurnost hrane Zenica za projekte iz oblasti veterinarstva i bilja“ – Izvor 10
Odgovorna osoba:	Jasmin Čajić, ministar

I NAZIV PROGRAMA

„Program utroška sredstava Budžeta Zeničko-dobojskog kantona Instituta za zdravlje i sigurnost hrane Zenica za projekte iz oblasti veterinarstva i bilja“ (u daljem tekstu Program), u razdjelu 23, budžetska organizacija 01, potrošačka jedinica 0001, ekonomski kod 614100, NAD 405, pozicija „Tekući transfer za Institut za zdravlje i sigurnost hrane Zenica za projekte iz oblasti veterinarstva i bilja“- Izvor 10 (u daljem tekstu: Institut).

Programom se određuje iznos sredstava za transfer i dodjelu po utvrđenom prijedlogu Projekata, na zahtjev Instituta, aktom broj: 02-844/25 od 24.02.2025. godine.

II ZAKONSKI OSNOV ZA PROGRAM

Zakonom o izvršenju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24, 6/25 i 12/25) opredjeljena su sredstva na poziciji „Tekući transfer za Institut za zdravlje i sigurnost hrane Zenica za projekte iz oblasti veterinarstva i bilja“ u ukupnom iznosu od 150.000,00 KM.

Članom 43. stav (5) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24, 6/25 i 12/25) propisano je da će se budžetska sredstva na poziciji „Tekući transfer za Institut za zdravlje i sigurnost hrane Zenica za projekte iz oblasti veterinarstva i bilja“ koristiti prema programu utroška koji donosi Vlada Kantona, a u članu 52. stav (1) je utvrđeno da nadležno ministarstvo predlaže Vladi Kantona program utroška sredstava iz člana 43. istog Zakona.

III SVRHA PROGRAMA

- Podizanje svijesti svih sudionika u sektoru poljoprivrede i animalne proizvodnje o značaju redovnih provođenja kontrola zdravstvene ispravnosti živežnih namirnica, te kontrole zoonoza, sigurnosti hrane, zaraznih i parazitarnih bolesti, te ekonomski značajnih bolesti;
- Praćenje stanja zoonoza, zaraznih i parazitarnih bolesti, te ekonomski značajnih bolesti na nivou Zeničko-dobojskog kantona;
- Uništavanje ambrozije i smanjenje broja alergičnih osoba na ambroziju;
- Podizanje svijesti svih zainteresovanih subjekata u sektoru peradarstva;
- Uočiti zdravstvene probleme mliječnih krava koje mogu dovesti do problema u reprodukciji, steriliteta, ali i mastitisa;
- Nastavak integracije normi i direktiva: Održati usklađenost sa evropskim normama i direktivama kroz implementaciju BAS EN ISO 17025, te osposobljavanje laboratorija i edukacija zaposlenika i lokalnog stanovništva;
- Pojačati dijagnostičke kapacitete, dati prijedloge profilaktičkih mjera i projekat postaviti kao redovni monitoring zdravstvenog stanja kućnih ljubimaca na endoparazitoze.

IV IZVORI FINANSIRANJA I VISINA SREDSTAVA

Budžetom Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24 i 12/25), u razdjelu 23, budžetska organizacija 01, potrošačka jedinica 0001, ekonomski kod 614100, NAD 405, pozicija „Tekući transfer za Institut za zdravlje i sigurnost hrane Zenica za projekte iz oblasti veterinarstva i bilja“ – Izvor 10, planirana su sredstva u iznosu od 150.000,00 KM. Za prekoračeni iznos odobrenih sredstava Institut će obezbijediti vlastita sredstva.

V UTVRĐENI PROJEKTI

1. ONE HEALT

- Kontrola i praćenje zoonoza na području Zeničko-dobojskog kantona
- Unapređenje sigurnosti hrane na području Zeničko-dobojskog kantona
- Suzbijanje ambrozije na Zeničko-dobojskom kantonu u 2025. godini

2. DOBRA FARMSKA PRAKSA

- Dobra farmska praksa u peradarstvu
- Zdravstveni problemi mliječnih krava – reprodukcija - sterilitet-mastitisi

3. ODRŽAVANJE AKREDITACIJE I CERTIFIKACIJE VETERINARSKIH ORGANIZACIJA U SKLADU SA MEĐUNARODNIM NORMAMA I STANDARDIMA

- ISO 17025

4. PROJEKAT „ENDOPARAZITOZE KOD KUĆNIH LJUBIMACA I VETERINARSKO JAVNO ZDRAVLJE“

VI AKTIVNOSTI PLANIRANE PROJEKTIMA

Aktivnosti koje su planirane predloženim projektima:

- Nastavak saradnje sa držaocima životinja, farmerima, proizvođačima i prerađivačima u Zeničko-dobojskom kantonu, kao i sa nadležnim općinskim/gradskim i kantonalnim službama;
- Nastavak saradnje sa registrovanim veterinarskim stanicama Zeničko-dobojskog kantona koje bi u sklopu svojih aktivnosti svaku sumnju na zoonozu prijavili u Veterinarski zavod kako bi se poduzele detaljne laboratorijske pretrage;
- Aktivno provoditi monitoring zoonoza kroz Program mjere zdravstvene zaštite životinja Zeničko-dobojskog kantona i Federalnog ministarstva poljoprivrede, vodoprivrede i šumarstva;
- Nastavak edukacije i podizanje svijesti o zoonozama i biosigurnosnim mjerama putem seminara i edukativnih materijala; izrada brošura i letaka;
- Praćenje, analiza i proučavanje stanja u pogledu pojave, kretanja, suzbijanja i iskorjenjivanja zaraznih, parazitskih i drugih bolesti kod životinja;
- Izrada izvještaja o zoonozama na području Zeničko-dobojskog kantona;
- Edukacija šire populacije o važnosti sigurnosti hrane putem medija;
- Terenska opservacija i monitoring subjekata u poslovanju hranom (SPH) na području ZDK;

- Izraditi Upustvo/vodič sa smjernicama za izradu Planova samokontrole na principima HACCP sistema;
- Izraditi Priručnik o higijenskim zahtjevima za proizvođače u primarnoj proizvodnji;
- Edukacija: Uzorkovanje hrane, vode i briseva, razvoj i implementacija okvira standarda kvaliteta;
- Pratiti rezultate laboratorijskih analiza hrane, vode i briseva, te po potrebi davati stručno mišljenje;
- Izraditi bazu podataka o SPH sa područja ZDK i šire;
- Analizirati stanje nakon završetka projekta i prikazati ga u formi izvještaja i prezentacije;
- Snimka stanja površina zahvaćenih ambrozijom i utvrđivanje rasprostranjenosti ambrozije;
- Podjela publikacije (brošure i edukacija stanovništva) o štetnosti ambrozije;
- „Mjere za sprečavanje širenja i uništavanje ambrozije“;
- „Polenske alergije“;
- Prijedlog - Uništavanje ambrozije na najpovoljniji način;
- Terenska opservacija i monitoring farmi peradi, inkubatorskih stanica i veterinarskih stanica na području ZDK;
- Prikupljanje podataka, izrada baze podataka i mapiranje lokacija peradarskih farmi;
- Priprema i izrada Smjernica za peradarsku industriju;
- Priprema i izrada Priručnika o biosigurnosnim mjerama na farmama peradi;
- Unapređenje saradnje sa proizvođačima, organizatorima tova i veterinarskim stanicama u nadzoru;
- Nastavak saradnje sa držaocima životinja, farmerima, proizvođačima i prerađivačima kao i sa nadležnim službama, veterinarskim stanicama koje bi u sklopu svojih aktivnosti vršile nadzor nad farmama životinja;
- Nastavak saradnje sa zadrugama, otkupljivačima mlijeka, prerađivačima mlijeka, te mljekarama;
- Uzorkovanje mlijeka, ispitivanje uzoraka na prisustvo uzročnika mastitisa, izrada antibiograma, predlaganje adekvatne terapije životinjama, ispitivanje antimikrobne rezistencije uzročnika;
- Nastavak edukacije i podizanje svijesti o važnosti kontrole mastitisa;
- Nastavak integracije normi i direktiva: Održati usklađenost sa evropskim normama i direktivama kroz implementaciju BAS EN ISO 17025;
- Osposobljavanje laboratorija i edukacije uposlenika;
- Informisanje lokalnog stanovništva o važnosti akreditacije;
- Uvid u populaciju kućnih ljubimaca na području ZDK i po pitanju parazitoza, uzimanje uzoraka stolice, te analiza stanja;
- Edukacija i preduzimanje profilaktičkih i biosigurnosnih mjera, te izvještaj o aktivnostima projekta.

VII KORISNIK SREDSTAVA

Korisnik ovih sredstava Budžeta Zeničko-dobojskog kantona za 2025. godinu je Javna ustanova - „Institut za zdravlje i sigurnost hrane“ Zenica.

VIII NAČIN I ROKOVI IZVJEŠTAVANJA

Korisnik doznačenih sredstava dužan je dostaviti Ministarstvu za poljoprivredu, šumarstvo i vodoprivredu izvještaj o namjenskom utrošku sredstava (narativni i finansijski izvještaj) do 31.03.2026. godine.

U slučaju da Korisnik doznačenih sredstva ne dostavi narativni i finansijski izvještaj o utrošku sredstava za odobreni projekat do ostavljenog roka neće biti prihvaćen za finansiranje projekata u narednoj fiskalnoj godini.

O utrošku namjenskih sredstava po ovom Programu, Ministarstvo za poljoprivredu, šumarstvo i vodoprivredu dužno je polugodišnje i godišnje izvještavati Vladu Zeničko-dobojskog kantona.

Broj: 02-11-15784/25

Datum, 22.08.2025. godine
Zenica

PREMIJER

Nezir Pivić

DOSTAVLJENO:

1 x Ministarstvo za poljoprivredu
šumarstvo i vodoprivredu,
1 x Ministarstvo finansija,
1 x „Službene novine Zeničko-dobojskog kantona“
1 x a/a.